

麻城縣志卷二十七

人物志

藝術

氣傳於形技進乎道一藝成名豈云小造

樊子晉讀書明理審病察脉預知人十年生死醫家宗之

通志

鄒橘泉名希魯洪武初居縣西二里許牛棚山以名醫濟世任醫學訓科刻有橘泉方卷行世子來學官都憲子孫科甲雲仍冠蓋相望其仁術之開家宏遠矣東吳錢溥立有傳

麻城縣志

卷二十七

人物志藝術

五十

順菴橘泉之六代孫長業儒遇異人傳授方脉棄儒為醫精於切脉洞悉表裏之微卒為名醫

全存恒原姑蘇生員博學長詩賦寄籍麻城以醫著名品行俱卓其子有成克紹其傳

有成字庸玉少精舉子業屢試不利遂讀父書博覽方卷於醫學獨領其傳

蔣云貴字恒宇博學能詩於方卷無不精究凡病有疑難他人棘手者能應手奏效遠近迎接履滿戶外為縣良醫屈大寰為興國州生員其目雙瞽脉精太素知人壽夭貴

賤更能曉暢元理人共稱之居麻城卒

陳雲山方脉俱精識見更迴

王松竹居新店販其用藥不以多味而有奇效精曉脉理不泥方卷人共稱之

彭長溪精通醫理刻有醫見私會博宗方卷彙編歌訣以行世後學宗之俱為名醫

宗合泉其目雙瞽專治幼科如神以手摸小兒即立判生死不爽

歐陽之且字旭之生員幼好學遇異人授以太乙數遂棄

麻城縣志

卷二十七

人物志藝術

五一

舉子業精通數學每課吉凶無毫髮爽不三年而名揚海內赴南寧侯左良玉幕欲授以官辭不就後就武昌學官至

國朝定鼎執政亦迎置都中欲薦之仍堅辭

以上皆採訪新增

蔡密得茅山法正傳六月求雪掌心運雷呼風喚雨驅鬼

役神奇幻莫測後密法傳縣人謝龍謝龍傳法於縣人汪

炳汪炳以其法傳與陶真人仲文顯於世廟云

舊志

宋有章習道法能以符呪治病嘗濬池得一古銅印篆刻

蔡密二字又一鐵方条廣狹上下以二寸餘計上鐫一文

字章得之其術益進比遇妖異事驅役皆應縣亢旱三禱
三應知縣陳鼎鄉士鄒汝魯舉人周際聖各贈以匾額年
八十餘坐逝徒仰止精其業

曾鎮號石洞道人於柏子塔石洞幽栖畫山水筆墨蒼老
鶴髮藜杖籜冠羽服望之若仙劉子侗爲作序

舊志

曹榛號素庵幼通經史不遇遂以畫名世工繪馬雁紳士
家珍重之

鄧履寬乾隆間人世業岐黃尤善丹青兼工書法一畫一
書人爭藏之

麻城縣志

卷三十七

人物志藝術

五二